

Me ka lahui Hawaii ahonui,
 Me na mokupuni a poai puni;
 Haina na inoa la a o oukou,
 O ka rose Hawaii no e ka oi.

LUMAHAI.

HE ILI ULA AU A HE HAWAII.

Ehuehu mai nei Daimana Hila,
 I ka hoeu a ka ili-ulaula,
 Nana i hoala iho ke kaua,
 Kue i ka aoao Aupuni,
 I pomaikai hoi no ka lahui,
 Mai Hawaii hoi a Kauai.
 Pehea kakou a e Hawaii?
 Hooholo kuikahi like ka mana'o,
 He ili ula au a he Hawaii,
 Imi pono ana hoi no Liliulani;
 Hanohano Wilikoki i ka'u ike,
 Ke koa kaulana no Hawaii nei;
 O ka'u ia la e puana nei,
 Nolena e ke koa hohe wale;
 Kaulana mai nei a o Wilikoki,
 O ke koa hooheno a ka lahui;
 Puana iho au ia Wilikoki,
 Kaulana Hawaii a mau loa.

K. P. ULUMAHEIHEI.